



25. januar 2011

UPA 2011/51

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

2012-mi Aningaasanut Inatsissatut siunnersuutip sananeranut atatillugu inuutissarsiutigalugu piniartut ukiumut akileraaruteqaataasussanik 150.000 koruunit ataallugit isertitaqartartut allanut ilinniarteqqinnissaannut atugassanik aningaasaleeqqullugit, taakkua annertunerusumik inuutissarsiutinut allanut isertitaqarfiunerusinnaasunut ikaarsaariarsinnaalersillugit, Naalackersuisut peqquneqarnissaannik Inatsisartut aalajangiiffigisassatut siunnersuut.

(Inatsisartuni ilaasortaq Niels Thomsen, Demokraatit)

Tunngavilersuut

Piniarneq kalaallit kulturikkut paasinnittaatsitsinni pigaaruteqarluinnartuuvoq. Amerlaqaagut, siulitsitulli, piniarnermik pinngortitamiinnermillu nuannarisartaqtuusut. Imaanngilarli, piniarneq inuutissarsiutitut ullumikkut qangaanerusutulli inuiaqatigiinnut isumaqartoq. Soorlu allarpassuar-tiguttulli Kalaallit Nunaanni inuutissarsiutitugit allanngorerit annertuut pisimapput. Tamassumap kigunerivaa, piniartutut inuuniuteqartup aningaasaqarniarneq ataqatigiisissinnaanngikkaa. Tamanna naak aali, ukiut tamaasa puisit amiinik tunisinermut aningaasanik amerlasuunik tapiissuteqartaraluarluta.

Tamanna tunngavigalugu Demokraatit isumaqarput, eqqortuliornerunngitsoq, inuiaqatigiit puisit amiinut tunisinermut tapiissutitut ukiumut 25 mio. kr.-nit tapiissutigiuassapatigut. Puisit amii taakkua quersuarmut qaleriiaaginnarneqarput, sallaatsumik oqaatigalugu nunat tamalaat niuerfisuanni tuniuminaatsorujussuugamik. Aamma malugineqartariaqarpoq tapiissutit piniartut anikitsuaraannarmik toqqaannartumik iluaqutigisaraat. Tamanna pillugu Naalackersuisut qanit-tukku Aalisarnermut Ataatsimiititaliamut ilisimatitsissutigivaat, puisit amiinut tunisinermut tapiissutigineqartuniit koruunimut ataatsimut piniartunut atorniarneqartuusumut 42 øre allaffissornermut ator-neqartartoq, tamatumani annertut Great Greenland A/S-mut. Tamanna oqaatiginn-gilara Great Greenland uparuarniarlugu, ersarissaannarumalluguli, taamaasiorneq inuiaqatigiinni



eqimatsamut aningaasarsiornikkut erloqinartumik inissisimasuusumut inuiaqatigiit aningaasaata-at atorlugit atugarisaannik ikiuiniarnerigaluaq sunniutikitsuusoq.

Paarlattuanilli paasilluakutsoorsinnaavarput, aaliagersaasartutut inuutissarsiutigalugu piniartunut akisussaaffeqaratta. Ullormiit ullormut tunisinermut tapiissutit piiginnarsinnaanngilagut. Tamanna soorunami annikillisikkiartuaartitsinikkut pissooq, imatullu aamma pissalluni inuutissarsiutigalugu piniartut allamik inuutissarsiuteqalernissamik nassaarnarsinnaanissaat periarfissaassalluni. Naatsumik oqaatigalugu tamanna tassaavoq ima itsumik siunnersuuteqarnerup tunuliautaa. Siunnersuutip toraagarai piniartutut inuutissarsiuteqartuusut akileraarusigassaasunik ukiumut 150.000 koruunit ataallugit isertitallit. Inuutissarsiutigalugu piniartartuusut taakkua ilaqutaasalu assut nuannaarutigissuaat, inuutissarsiutigalugu piniartut allanut ilinniartinneqarunik, ilaqutariinni aningaasaqarnikkut inissisimalluarnerunissaq periarfissaalissammat.

Demokraatit piunasaqarniangillat, inuutissarsiutigalugu piniartut sumut allanut ilinniartinneqassanersut. Pingaaruteqarpoq inuutissarsiutigalugu piniartut namminneq aaliagissagaat sulererusunerlutik.

Suliffeqarnermut tunngasumik suliniarnermut piginnaasanillu qaffasaanermut ataqatigiissillugu siunnersuutip piviusunngortinneqarsinnaanera naleqqunnerusorineqarpoq, Piareersarfimmik ingerlanneqartuusumik. Periarfissat allat soorunami aamma eqqarsaatigineqarsinnaapput. Tamatumani Naalackersuisut, kommuunit immaqalu kattuffiit attuumassuteqartut soorlu KNAPK, isumaqatigiinniarnat apeqqutaajumaarpoq.

Pisortanut aningaasaqarnikkut allaffissornikkullu kingunerisassai.

Siunnersuutipkingunerissuaa Naminersorlutik Oqartussat ingerlatsinermut aningaasartuutaasa piffissamut qanittumi isigaluni qaffannerannit. Piffissamut ungasinnerusumut isigigaanni siunnersuutip kingunerissuaa, Naminersorlutik Oqartussat kontomi pingarnermi 51.02.03-mi, Puisit amiinik tunisinermi akinut tapiissutit, aningaasanik siparnerat, aamma Nunatta Karsianut kommuunillu karsiinut isertitaqarnerunermik kinguneqassooq akileraarutitigut isertitatigut, ullumikkut piniartutut inuutissarsiuteqartuusut allamik ilinniareernerisa kingunerissanik isertitaqarnerulernerisigut. Aamma naatsorsuutigineqassooq siunnersuutip piviusunngortinneratigut kommuunit



piniartunut aningaasatigut ikiortariaqartuusunut pisortanit aningaasatigut ikiorsiigallartarnermut aningaasartuutigisartagaasa millisinnissaat. Aaliagertoqartariaqarpoq allaffissornikkut sullissineq kommuunini Namminersorlutik Oqartussaniluunniit kisartorneqassanersoq, sulisutigullu malinnaasitsisoqassalluni.

Inuussutissarsiornermut aningaasaqarnikkut allaffissornikkullu kingunerisassai.

Siunnersuut namminersorluni inuutissarsiortunut aningaasaqarnikkut allaffissornikkullu kinguneqassanngilaq.

Innuttaasunut aningaasaqarnikkut allaffissornikkullu kingunerisassai.

Siunnersuut innuttaasunut aningaasaqarnikkut allaffissornikkullu kinguneqassanngilaq. Siunissamut isigigaanni siunnersuutip kingunerissuaa, inuutissarsiutigalugu piniartut ukiumut 150.000 kr. ataallugu isertitaqartut qaffasinnerusumik isertitaqalersinnaanissaat.

Taamatut oqaaseqarlunga Naalakkersuisut akissutissaannut kiisalu partiit allat oqaaseqaatissaannut qilanaarpunga.